

Home > CONON DE BETHUNE > EDIZIONE > Chançon legiere a entendre

---

# Chançon legiere a entendre

Linker 50,5; RS 629

Mss.: R 10, T 101 = Conon de Bethune; e 5 = anonimo.

Metrica: a7' b7 a7' b7 b7 c7' c7' (MW 1034,76). *Chanson di 6 coblas unissonans* (ma *doblas* rispetto alla rima b) di 7 versi, seguite da una *tornada* di 3.

Edizioni: Wallensköld 1921, p. 1.

- letto 753 volte

## Edizioni

- letto 542 volte

## Wallensköld

I.

Chançon legiere a entendre  
Fera, car bien m'est mestiers  
Ke chascuns le puist apendre  
Et c'on le chant volentiers;  
Ne par autres messaigiers  
N'iert ja ma dolors mostree  
A la millor ki soit nee.

II.

Tant est sa valors doblee  
C'orgeus et hardemens fiers  
Seroit, se je ma pensee  
Li descovroie premiers;  
Mais besoins et desiriers  
Et çou c'on ne puet atendre  
Fait maint hardement emprendre.

III.

Tant ai celé mon martire

Tos jors a tote la gent  
Ke bien le devroie dire  
A ma dame solement,  
K'Amors ne li dit noient;  
Ne por quant, s'ele m'oblie,  
Ne l'oublierai je mie.

IV.

Por quant, se je n'ai aïe  
De li et retenement,  
Bien fera et cortoisie  
S'aucune pitiés l'em prent.  
Au descovrir mon talent  
Se gart bien de l'escondire,  
S'ele ne me velt ochirre.

IV.

Fols sui ki ne li ai dite  
Ma dolor, ki est si grans.  
Bien deüst estre petite  
Par droit, tant sui fins amans;  
Mais je sui si meschaans  
Ke quanques drois m'i avance  
Me retaut ma mescheance.

V.

Tous i morrai en soffrance,  
Mais sa beautés m'est garans,  
De ma dame, et la samblance  
Ki tos mes maus fait plaisans,  
Si ke je muir tous joians;  
Ke tant desir sa merite  
Ke ceste mors me delite.

VI.

Noblet, je sui fins amans,  
Si aim la millor eslite  
Dont onques cançons fust dite.

- letto 412 volte